



POEMATATA VARIA  
IN FVNERE  
REVERENDI D. IO  
ANNIS HERBESTI, CA-  
nonici & Concionatoris  
Leopoliensis.

AD ILLYSTRISS: ET REVEREN-  
DISS: DOMINVM D. IOANNEM  
DEMETRIVM SOLIKOWSKI, D. G.  
ARCHIEPISC: LEOPOLIEN.



LEOPOLI,  
Anno Domini M DC I,

*Ex attento & Clarissimo Vno Sebastiano Lechao Pri & Medico  
Vni Illustri Canonico Episcopi Medico nro ac Vno & Amico  
Vni Illustri Canonico Episcopi Medico nro ac Vno & Amico*



IOANNI DEMETRIO  
SOLIKOWSKI, ARCHIEPIS:  
LEOPOLIEN:

M. IOAN: CZECHOWICZ, Leop.

O Celle Phœbi, corculum Prudentiæ,  
Regni micans lux, gemma Præsulum aurea,  
Columen Senati, grandis ô suffes Dei,  
Quæ mœstitudo ouilis est cor nunc tui,  
Postquam appulit vitæ ad vltimam orbitam  
Herbestus ille, grande delictum tuum.  
Musa mea, quôsue mœror idem *lancinat.*  
Sed & iuuentæ quam ferula regit mea,  
Musa horrida, haud infantia memor suæ,  
Benignitate ast tuta vestri numinis,  
Gestit susurro nuntium atrum squalido  
Oggerere, sermones tibi exsensos ferens;  
Et vberem tantum profertens dolentiam.  
Ergo inclyte Præsul, Gratiis selecte flos,  
Musam lugubrem haud tetricâ supercill,  
Verum serenâ quæso nube suspice,



905623



# THRENODIA

**O** Diua, quæ mortalium curas graucis  
Luctusq; acerbos pectoris  
Lenire iucundo potes modulamine  
Tibi enim citharam dedit Pater.  
Cantus lugubreis, anxiamq; Næniam  
Tu trade, tuq; præcipe.  
Nam mi haud facul sacri capitis expromere  
Suprema fata, aut consequi  
Imâ meâ opellâ, venâ & exili ingent  
Quêis artibus hic petiit polum.  
Huic nempe erat mens fixa cœlitum thronis,  
Illa ignea mens, quæ ceu lea  
Vinctq; carcerisq; prorsus asperi  
Pertæsa, frendens dentibus  
Nisi perenni, se quibus meminit locis  
Ortam, remeare annititur:  
Ita hæc speculari alâ celeri frequens viâ  
Auidam, ad domos Deûm lecat:  
Et vescitur Diuini amoris optimo  
Illic cibo. O si perpetim.  
**HERBESTVS** ergo hac parte sui cœlestibus  
Versatus vsq; in sedibus.

Huic vita casta, & innocens, atq̃ integra,  
Manusq̃ prompta pauperi.  
Huic nuda veritas, fidelisq̃ candida,  
Nec defuit pectus catum,  
Fandi q̃ larga copia sat, quâ claruit  
Dum floridæ facundix  
Primis rudimentis iuventutem imbuit,  
Non Rhetorum cedens stylo.  
Vel ipse quando pulpita per sacra entheum  
Sacro ore dogma pangeret,  
Luxumue inertem, opum populatore ferum,  
Sermone duro incesset,  
Plebem monens vt debitam cordis Deo  
Sedem exhiberent promptius,  
Omni carentem labis improbæ notâ  
Iussa q̃ Dei capefferent,  
Remitterentq̃ iam nimiam elegantiam,  
Gemmæ & nitores aureos:  
Sed squalè pœnitentiæ, & luctu aspero  
Et lacrymis fidelibus,  
Commisssa tergerent, graui & cordis sinus  
Imos dolore scinderent.  
Sic arte populum finxit exactissimâ  
Vt illum ad astra tolleret.

Haut



Haut degener fratrum bonis virtutibus,  
Fratrum, qui erant sapientiæ  
Penu locuples, ordinis splendor sui,  
Cleri, venusti flosculi.  
Iam quid labores pro Deo atq; altaribus  
Quos pertulit multis locis.  
Dicam? marina testis est STOCOLMIA,  
Et Moschus algidus niue.  
Et ripa stagnans DANVBI binominis,  
Hybernus & BOR YSTHENES,  
Queis ille propagavit in locis fidem,  
Lingua disertâ, operâ & bonâ.  
Tantis bonorum aff promicans fulgoribus,  
Heu flebilis multis cadit.  
Sed doctiorum quæ benigna audis Parens,  
O patria, Russiæ decus,  
Quo perculit nunc vulnere cor luctus tibi?  
Quod bruta tellus im tegit.  
Qui lustra plus quam terna te verbo DEI  
Pavit, docens viam ad polum.  
Haut defatigatus senectute aspera,  
Sed mentis animi & robore.  
Donec Necessitatis illum compulit  
Lex astricas ire ad domos.

Quæ

Quâ lege cuncti sumus huc concrediti,  
Linquenda sit terra vt statim.  
Nam spernit Orci ianua limen, cardines  
Ibi faciles Charon mouet.  
Stat vrna, nomen omne quæ capax vomit,  
Omnes opaca nox manet.  
Nexus solennitate, vita, aut mancipi.  
Nulli data, at precariò.  
Transenna iure dicitur, nam transiens,  
Imbellis, vmbra somnium.  
Reddenda terræ est terra, nec non omnibus  
Metenda vita est vt seges.  
Compage sed tandem hæc soluta, spiritus  
Cœli appetet palatia.  
Ergo dolore pressa corda soluite  
Clari LEONIS incolæ.  
Aspellet omnem cordis anxitudinem,  
Fæcunda Doctorum Parens,  
Ocellus ille, Castali sedes chori,  
Fons limpidus peritiæ,  
Morum magistra, Sarmatis terræ iubar.  
Virtutum amænus hortulus.  
**ACADEMIA**, hæc mæroris aspritudine  
(Vestri est enim nutritia)

Non



Non perferet vos lancinarius diu,  
Aut esse in aritudine.

Lenimen illa dulce vestro porriget  
Mox pectori, sultis modò.

At tu Pater mi HERBESTE qui inter ætheris  
Arces refulges igneas,  
Chorumq; adauges iam piùm, ac consortio  
Iam perfrueris qui cœlitum,  
Nos desuper oculis benignis aspice,  
Deumq; mitiga prece.

### EPIGRAMMA.

IN FRAGILITATEM VITÆ HVMANÆ.

Optima Graiorum sententia. Proût foliorum  
Sic hominum genus est, debile, inane, fugax.

### EPITAPHIUM

HERBESTI hæc sacros cineres, pietatis alumni  
Atq; Dei Mystæ continet urna capax.  
Ille Dei tuba voxq; erat, interpretq; sacrorum  
Verborum, retegens illa bono eloquio.  
Corrector scelerũ, morum quoq; atrocior osor  
Vitæ ac virtutis, sed melioris amans.

Huius

Huius busta Patris lacrymis asperge viator,  
Et dic hoc saxum molliter ossa premat.

A L I V D.

Occidit HERBESTVS cleri decus atq; cathedræ,  
Clerus cum populo, & sacra puluinaria lugent.

M. Ioan: Czechouicz Leop.

E P I G R A M M A.

NON EST MORTVVS PATER  
HERBESTVS, SED VIVIT.

Ducere luctifonos quid prodest pectore fletus?

HERBESTVS cœli præmia, victor adit,

Sat vixit terris, iam viuere maluit astris,

Non datur in mundo, paxq; domusq; manēs.

Non mors hunc rapuit, nulla illi præda relicta,

Nam viuit felix, iam sine fine diem.

Ergo quid, illiûs plorabo hâc isse carinam,

Quâ tot eunt alix, quâ tot iêre rates.

Terra feras tristes & tristia carceris antra,

Nos capiant superi, læta theatra Poli.

Georgij Podvysocij  
alias Muscouij A. B.

ALIVD



ALIVD EIVSDEM.

MORS HOMINIS NON EST DEFLEN-  
DA, QVIA FATVM EST INEVITABILE.

Phil. Jag.

Quid mihi cum lacrymis, etiamsi fluminis inflar  
Exuperent ipsas Thermodoontis aquas?

Haud potero tamen iccirco, licet omnia tentem  
Excutere, humanæ conditionis onus.

Esse quid hoc dicam? quæ tanta licentia Parcis?

An mala sunt, finem, hæc non habitura suum;

NASCI deinde MOR I naturæ est regula nostræ.

Mordax at nimium est inter vtrumq; labor

Si labor, & pariter primordia dulcia, vitæ

Sunt nobis; quid non, mors quoq; dulcis erit?

Turpe rudimentum est, positis, transcendere fines

Et numero sortem, velle carere suam.

Scilicet ista seges nostri solet esse laboris,

Omnibus ista palus, est adeunda semel.

Quis tam fortis erat, mortem qui sternere possit?

Viribus, arte, opibus, nemo fuit nec erit?

Infantes, pueros, iuuenesq; virosq; senesq;

Magnos cum paruis, hinc sua fata vocant,

Fata vocant? ergo per duræ limina mortis

Cogimur ad tristes ire Charontis aquas.

B

Hectoras

Hectoras & Cræsos rapiunt sua fata, nec ullus  
Naturæ potis est, iura nouare suæ.  
Parua hæc sunt? validis pereunt cū mēibus vrbes,  
Quæq; manere diu quis putat, ecce cadunt.  
Corporis hâc fragili vinctos compagine quosq;  
In cineres artus? quis verat ire suos?  
Vix nati, mortis metam properamus ad vnam,  
Hâc homines miseri conditione sati.  
Quid nisi bulla vagis quæ nata supernatat vndis?  
Quid nisi pernici flamine ventus, homo?  
Ecquid multa loquor? Mors vltima linea rerum,  
Nilq; vnquam constans, perpetuumq; viget.  
Finis inest cunctis finem superesse necesse est  
Seriùs, aut citiùs, Mors sua quemq; manet.

EPITAPHIVM. EIVSDEM.

Ille ego qui quondam sacri fastigia honoris  
Gestans hîc docui iura tenere DEI.  
Contegor hoc tumulo, fatis abreptus iniquis.  
Effugit, hæc nemo Mors sua quemq; manet.  
Terra fui natus, moriens terramq; reuiso,  
Terra parens nostra est, chare viator abi.

EPIGRAM.



# EPIGRAMMA.

## UMBRA MORTVI.

Tollere luctifonos cantus, vestesq; lugubreis,  
Quid iuuat? & gemitus fundere? quid lacrymas?  
Non morior, liquit licet hos mihi spiritus artus,  
Qui fecit vitam, hanc conferet ipse DEVS.  
Quin potius CHRISTVM nostros punire reatus  
Vt nolit, precibus flectite quæso pijs.

Stanislaus Has. Leop.

## ALIVD.

### MILITIA EST VITA HOMINIS SUPER TERRAM.

Marte ferox miles velut omnẽ promptus in hoia  
Prospicit assidue, cinctus fulgentibus armis.  
Ast vbi adesse acrem propius cognouerit hostem,  
It celer in durum bellum Martemq; fatigat.  
Haud aliter bellum mortalibus imminet ægris,  
Dæmone cum tetro, Mundo, & cū Carne rebeli,  
Heu certamen atrox: sed atrocius ingruit illud,  
Quod cū morte truci est, sternit quæ falcẽ cruentâ  
Omnia, nec precibus deuincitur: aut probitate;  
Ferreâ mens olli, pectus riget ipso adamante,

Hinc

Hinc nullos penitus fletus tractabilis audit.  
Hæc regum magnorum sceptraligonibus æquat,  
Hæc iuuenes senesq; aufert discrimine nullo,  
Et nunc ecce metit verum virtutis alumnum,  
Et refecat canum sacro illi vertice crinem.  
Ille Deum quamuis per pulpita dia tonaret,  
Illecebras monstrans scelerum & mala toxicamū-  
Illuditq; alacer mortis conamina diræ, (di.  
Indomitæ tamen est mortis prostratus ab ense.

Ioannis Wiczkovski S. Leop.

ALIVD.

MIHI HODIE TIBI CRAS.

Si tibi longæque promittis gaudia vitæ,  
Falleris, heu nimium vita hominū brevis est.  
Aspice, heri cuius vitalis spiritus artus  
Rexit, eos hodie deserit ille citò.  
Te quoq; cras eadem forsan manet hora suprema:  
Imò hanc, quis nouit, Dij tibi an adijciant?  
Quid sumus o miseri nisi putris puluis, & vmbra?  
Bullaue quæ vitreis turgida fertur aquis?  
Scilicet vt ventus concusso stipite frangit  
Frondes, & diffans omnia sternit humo.  
Sic



Sic mors atra omnes crudeli falce fatigat:  
Hæc perimit iuuenes, hæc perimitq; senes.  
Perniciq; pede appropereat dirumpere cunctis  
Vitam, quo minimè reris, at illa venit.  
Ergo tuæ nimium confidere desine vitæ  
O iuuenis, properè hanc sed reparare stude.

Nicolai Koziarovvski S. Leop.

A L I V D.

Qvis gemitus totâ lacrymosus spargitur vrbe?  
Vel quæ tam grandis causa doloris adest?  
Cur viduæ mæstis opplent singultibus ora?  
Patroni celebri destituuntur ope. (tu?  
Cur inopum obrigit coma, magno tempora fle-  
Munificum noscunt occubuisse Patrem.  
Pulpita cur luctu nigrescere celsa videntur?  
Præconem lugent oppetiisse Dei.  
Cur clerus tristis promit de pectore voces?  
Mysterij magnum condolet ille virum.  
Quare Pierides vlulârunt montibus altis?  
Occidit HERBESTVS lausq; decusq; suum.  
Cur iuuenes implent funebri carmine templa?  
Religio Herbesti laus pietasq; iubet.

Proruit

Proruit in lacrymas omnis virtutis amator,  
Omnibus en grandis causa doloris adest.

Adami Lodzinski Stu, Leop.

E P I C E D I V M.

Adfers huc quisquis gressus ad tecta Tonantis,  
Quærito quisnam adsit luctus, & exequiæ.  
Si defixa animo sedet, hæc sententia, resq̃,  
Condoleas obitum, cum pietate viri,  
Nescius ast huius morum si forte fuisti,  
Inspicias carmen lumine, certus eris.  
Nec tibi cuncta meo sua dicam carmine facta,  
Viribus agnosco, haud par onus esse meis,  
HERBESTI poterit quis laudes ferre camænâ?  
Conspicius vitâ qui fuit egregiâ.  
Non culpanda acies, præclaro in flore iuuentę  
Herbesti mentis, quæ bene culta fuit.  
Palladis insigni, post extitit, arte decorus:  
Et lauri geminâ fronde notatus erat.  
Fratribus illustri non cessit laude, nec arte;  
Nobilium sobolem, dum artibus imbuerat,  
Non fastus ex arte tulit, nec corda superba,  
Floruit arte licet, docta Minerva, tua  
Ingenuis



Ingenuis clarum studijs, Polnania nobit,  
Cuius nutriuit, dogmate progeniem.  
Clerus post factus, sacramq̃ admissus ad aram,  
Non minor adfuerat laus, pietasq̃ viri.  
Præbuit hic lumen cæco, vestigia claudio,  
Subueniens inopi, munere sæpè suo.  
Voce salutiferâ firmabat, rite fideles:  
In noxam lapsus præstò ferebat opem.  
Et quæ pessiferæ fidei deceperat error,  
Consilio fecit, fidere corda, suo?  
Magnus amor Patrię fuerat, populiq̃ salutis:  
Extimuit nunquam funera & ipsa pati.  
Defessus curis, & longi temporis usu  
Obtinuit placidum funus, & astra Poli.

Barthol: Waszyczynski S. Leop.

#### E P I T A P H I V M.

Mystes, herba dedit quondam cûi nomina clara,  
Hæc cubat; huic sydus luceat æthericum.

#### A L I V D.

Cessit, vilassus Parcarum & funere acerbo,  
Doctrinâ notus, qui pietate fuit.

En

En parua, Herbesti constringit corpora, tumba:  
Illius ast laudes, non capit ipse LEO.

A L I V D.

Hoc lapide Herbesti cineres tumulantur honesti:  
Cui virtus donat: relligioq̃ polum.

Andræ Pegovvski S. Leop.

ECCLESIA MÆRENS LAMENTATVR.

ERGone splendent iterum subsellia metris?

Herbestumq̃ etiam mœsta Thalia canet?

Sudassetq̃ alijs vtinam mea Musa Camænis

Herbestus Musis materiesq̃ foret.

Qualis erat, cum se SOLIKOVI Præfulis aulæ  
Inferret, celebri laudis honore micans.

Qualis erat, sacras superûm prostratus ad aras,  
Dum sensit facilem per sua vota DEVM.

Ach quoties mensæ factus conuiuia Tonantis,  
Sumpserat Angelicas ore tremante dapes.

O quibus exsilui tum mater plena triumphis,  
Gaudia lætanti pectore quanta tuli.

Tunc licuit certare nouis Heliconis alumnos  
Carminibus, licuit concelebrare virum.

At nunc



At nunc (quæ rerum mundi est mutatio) quantos  
Ex imo gemitus pectore mœsta traho:  
Occidit ille spei magnæ documenta relinquens  
Nobis, quæ vigili pectore quisq; gerat.  
Occidit ille mæ spes præstans occidit aulæ,  
Occidit heu splendor, corrui ecce domus.  
Non sic incuruo succisum gramen aratro,  
Languescit moriens: nonq; ita bulla perit.  
Quam meus hic semper longo dignissimus æuo,  
Mortis terribili falce resectus abit.  
Hunc ego ceu Christi veræ pietatis alumnum  
Sum complexa meo fida magistra sinu.  
Quando mulcendo monitis cœlestibus aures,  
Monstraret mundo toxica inesse fera.  
Huic benè cœlesti flagrabat pectus amore,  
Et solidà incensæ religionis preces.  
Maxima ei fuerat Christi reuerentia Matris,  
Summaq; Reginæ cura placere fuit.  
Prò dolet hæc nimium caræ meminisse parenti,  
Quæ pietas eius commemorare iubet.  
Heu me infœlicem, rerum monimenta mearum,  
Et spes conceptas dempsit iniqua dies.  
Inuida lux letho Herbestum commisit auaro,  
Iam querulam matrem nil nisi flere iuuat.

C

Eheu

Eheu Parcarum crudelia tela sororum,  
Eheu crudeli flamina rupta manu.  
Vos quoq; Pierij dulcissima cura sodales,  
Carminis in mœstos soluite membra modos.  
Fundat mœstifonas plangēs Polyhymnia voces,  
Euterpe cesset ludere dulce melos.  
Et tu quæ superûm Præcone beata fuisti,  
Clara LEONTOpolis corda dolore seca.  
Atq; tuam sortem deplorans astra fatiga,  
Et tales mœsto promito ab ore sonos.  
O DEVS orbatam matrem Præcone Tonantis,  
Ne tamen auxilio destituisse velis.  
Da cunctis pacem SCLICOVI cæpta governa,  
Insignes reliquos protege quæso Patres.

Andrææ Strzyzouiensis.

EMBLEMA EIVSDEM.

PATENT DOLI CINERIBVS.

Dum vani absument alimenta relicta Prophetæ,  
Pro Baal, ignarum decipiendo Ducem.  
Mox cinis aspersus telluri, lustra notauit  
Noctis, fallaces prodidit atq; dolos.

Sic



Sic quando in cineres post fata reducimur atros,  
Fraus mundi è nostro puluere certa liquet.

AMOR PARIT DOLOREM,  
EIVSDEM.

Si querulo planctu me quis reuocare valeret,  
Nil posset lacrymis dulcius esse mihi;  
Nunc seu defletis, seu soluitis ora cachinno,  
Quæ sapiunt facite, at mēbra tegentur humo.  
Lenitis rigido planctu si forte dolorem  
Hinc studij vestri tessera firma placet.

DOLES ET EGO, EIVSDEM.

Qvòd malefana lues me vobis dempsit vnum,  
Immodicis lacrymis tempora vestra tepent;  
At si nos eadem crudelia fata tulerunt,  
Pectoribus nostris quis rogo sensus erit?

AVREA ÆREIS, EIVSDEM.

RVSSiæ splendor gentis, lumenq; LEOnis,  
Siccine ab humana, tendis ad astra, via?  
Grande Sacerdotum te gessit cernere lumen,  
SOLCOVIÆ gentis gloria summa vocat.

Russia te, sparsisq; vocat de more capillis,  
Porrigit eximias, cum prece supplice opes.  
Supplicat insigni veneranda corona nitore,  
At tu das surdo vota precesq; Notho.  
Scilicet in terris quem non tot dona morantur,  
Hunc secum ad superos munera plura vocant.

A L I V D.

EX PECCATO MORS.

Primi noxa patris sobolem contagio peremit,  
Daminaq; terrigenis, protinus illa tulit.  
Quantos, immisit terris Pandora, dolores  
Agnovit, qui aurà vespicitur ætherea.  
Pixidis ex labris ob culpam, iure supremo,  
Profiliit morbus, mille pericla simul.  
Hinc hominum terrior processit, mortis imago,  
Funere quæ certo, carpit ab orbe dies.  
Nulla facit gentis, sexus, discrimina, Clotho,  
Terrigenas perimit, tempus in omne furens.  
Flos iuuenum marcet, vi tactus mortis acerbæ;  
Aufert maturi robur & illa viri.  
Grandæuiq; senis vitæ mors flamina rumpit,  
Effugit horrificam nullus in orbe necem.

En

En Myſtes ſuperum, mortis ſurreptus ab æſſu,  
Splendebit virtus, cuius in axe poli,  
Moribus, ingenio, fuerat pietate celebris:  
Dotibus haud diſpar, vixit & ille ſuis.  
Hic ſortis ſoluens humanæ triſtia fata,  
E vitâ ceſſit. Molliter ergo cubet.

Valentini Bargelii

ÆNIGMA EIVSDEM.

Est mihi nulla caro, non penna, nec arma sonora,  
Confringo nullo, mille, labore, viros.  
Veloci ſuper o curſu Boreamq̃, Nothumq̃,  
Me nihil omnipatens, firmius orbis habet.  
Triſtes me plebis celebrant, Regumq̃ Cateruæ  
Imperium noſcunt, bruta pecuſq̃ meum.  
Innumeram prolem tetro demitto Charonti,  
Educo ad celſum pignora rara DEVM.

ALIVD EIVSDEM.

Non creor à ſuperis, hominũ nec gignor ab vllò:  
Climata cuncta ſoli, territo fronte meâ.  
Terrigenũ curas, duros diſpenſo labore:  
Iura nihil curo: ius ego ſummum habeo.

Inuentum



Inuictum nixus me primus viuere fecit,  
Nec moriar Phœbus dum reget altus equos.

ALIVD EIVSDEM.

Nvnuquam victa mihi sunt dulci lumina somno,  
Inuigilare horis, cum soleam assiduè.  
Ignavoq; premo, languentia corpora somno  
Grana soporiferum, haud tanta papauer habet.

EPIGRAMMA.

Non iacet, abstrusis prænuncia fama cauernis  
Sed volitans spargit cuncta per ora virum.  
Nunc quoq; Sarmatæ fines oppleuit, & vrbes;  
Impleuit pelagus; per iuga voce sonat.  
Præstantem Mysem, nulli pietate secundum  
Herbestum, lætos claudere fine dies.  
Qui licet haud adeò Maiorum nomine clarus:  
Sed fuerat factis clarior ipse, suis,  
Hostes pestiferos fidei insectatus acerbè est,  
Veræ magnus erat religionis apex.  
Vir pius, atq; Sophus, celebri probitate decorus,  
Vixit iustitiâ, moribus, ingenio,  
Quem mors sæua nimis rapuit mortalibus ægris,  
Ignotasq; ferox fecit adire vias,  
Pectora

Pectora nec nimium capiant ex morte dolorem,  
Nam lucet probitas, cum pietate sibi.

Stanislai Cassici.

ALIVD EIVSDEM.

VT caret ignifero sol nunquam lucidus ortu,  
Sic virtus meritis non caret ipsa suis.  
Et prius in sygias descendant astra paludes,  
Destituentque suos numina sancta locos.  
Quam tua de nostro labetur pectore virtus,  
Et taceam laudes claraque facta tua.

EPITAPHIUM EIVSDEM.

Continet hic tumulus Ioannis corpora Myfæ,  
Qui semper populis dogmata vera dabat.

ÆNIGMA EIVSDEM.

Nil vnquam grauius patulus me mūdus habebat,  
Nam res humanas vt lubet expedio.  
Commoda nulla fero terris sed mille pericla,  
Infernum recreo munere sæpè meo.  
Innumeros terris superi immisere dolores,  
Sed longè supero quæque sub axe mala.

EPI

# ÉPIGRAMMA.

## INEXORABILE FATVM.

Quid iuuat aspersam tellurem cernere fletu?  
 Vel quid singultus eliciuisse feros?  
 Non mihi iam vestris reddetur fletibus aura  
 Vitæ, non iterum spiritus ossa reget.  
 Cuius falce ferâ disrumpit stamina Clotho,  
 A stygijs vndis non reuocabit iter.  
 Non genus, atq; decus generis virtutibus amplū,  
 Pectore nec redimunt vota resumpta pio.  
 Nullum restituit probitas vitalibus auris,  
 Nec primam vitam docta Minerva refert.  
 Non valet Hyppolito precibus Diana pudico  
 Reddere sæcla suis. Cerberus obstat atrox.  
 Quisq; cupit vestrum vitæ sua vincere fata;  
 Vt modò quæ fuerat vitrea bulla perit.

Gregorij Præuorscensis.

## ALIVD EIVSDEM.

## MORS NESCIA VINCI.

Quo ruis ô Lachesis? Quo se tua proripit ira?  
 Cur nullis hominum flecteris obsequijs?

Heu



Heu miserata senem minus: o fera dente maligno  
Mors lacerare ausa es, tamq̃ necare virum.  
Non ætatis honos, non te mouet ardua cura  
Musarum illius, relligioq̃ DEI.  
Parcere quòd cuiquam dubites tu Parca vocaris,  
Nec mirum quoniam falce furente ruis.

### EPITAPHIUM EIVSDEM.

Continet vrna virum sanctæ virtutis alumnum,  
Spiritus è pulchro corpore ad astra abiit.  
Hyppolitum vitâ superat dum vixit honestè,  
Nunc tenet æthereæ regia sceptrâ domus.  
Gloria clara mori quæ nescit ad astra relapsa est  
Illius, atq̃ suo lumine lustrat humum.

### ANNI TEMPVS QVO MORITVR.

Tristitia en nostros Invertit per Dita VVLtVs  
Herbestile Xeq Vlls qVòD perlere Dles.

Valentini. Bargelij.

D

TVMV.



# TVMVLVS HONORIVS.

IOANNES HERBESTVS.

MVLTORVM PRO CHRISTI SPONSA  
ECCLESIA LABORVM ET CONTRA HÆ-  
RESES PROPVGATIONVM SVPERSTES,  
FIDEI AC RELIGIONIS MVLTI IN LOCIS  
TAM APVD EXTEROS QVAM DOMI PRO-  
PAGATOR STRENVVS, SERENISS: IOAN-  
NI III, SVECORVM ET VANDALOR: &c.  
SIGISMVNDI III. POLONIÆ ET SVECI-  
AE I. REGIBVS, MVLTI NOMINIBVS A-  
MABILIS, IAZLOVECIANÆ CONTRA SCI-  
THAS EXPEDITIONIS COMES, APVD LE-  
OPOLIEN: ANNIS FERE DVODEVIGIN-  
TI ECCLESIASTES ET CANONICVS, PAV-  
PERVM AMATOR SEDVLVS, IN COAR-  
GVENDO LIBER, VERITATIS ASSECLA-  
FIDVS, VITA ET MORIBVS INCVLPA-  
BILIS, AD. XVI. KAL: APR: ANNO DOM,  
M DC I. ÆTATIS VERO SVÆ  
ANNO LX. MORTVVS,  
HIC SEPELITVR,





